

# ՀԱՅԱՍՏԱՆԻ ԿՈՄԿՈՒՍԻ ԿԵՆՏԿՈՄԻ, ՀԱՅԿԱԿԱՆ ՍՍՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ԵՎ ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՐԴԻ

## Դ Ի Մ Ո Ւ Մ Ը

### ՀԱՆՐԱՊԵՏՈՒԹՅԱՆ ԿՈՄՈՒՆԻՍՏՆԵՐԻՆ, ԱՇԽԱՏԱՎՈՐՆԵՐԻՆ

Թանկագին ընկերներ:

Լեռնային Ղարաբաղի վերջին իրադարձությունների կապակցությամբ իրադրությունը համրապետությունում վերստին սրվել է: Երևանում անընդհատ տեղի են ունենում չարտոնված միտինգներ, ցույցեր, երթեր: Հնչում են գործադուլ անելու անպատասխանատու կոչեր: Մարդկանց, հիմնականում՝ երիտասարդության ստվար խմբեր, որոնց հըրահրում են ոչ հասուն տարրերը, շրջափակում են կենտրոնի, Գերագույն սովետի նախագահության շենքերը, փորձում խանգարել քաղաքային տրանսպորտի, արդյունաբերական ձեռնարկությունների աշխատանքը, ձախողել պարապմունքները ուսումնական հաստատություններում, մույնիսկ՝ դպրոցներում: Կազմակերպված ճնշում է գործադրվում դեպուտատների վրա՝ ԼՂԻՄ-ի միավորման հարցը քննարկելու նպատակով անհապաղ հանրապետության Գերագույն սովետի նստաշրջան հրավիրելու պահանջով, չնայած այդ հարցի մասին արդեն ընդունվել է հայտնի որոշումը:

Այս ամենը կատարվում է այն ժամանակ, երբ ՍՄԿԿ Կենտկոմի, ՍՍՀՄ Գերագույն սովետի նախագահության և ՍՍՀՄ Մինիստրների խորհրդի ձեռնարկած միջոցների շնորհիվ կյանքը Հայաստանում և Լեռնային Ղարաբաղում աստիճանաբար սկսել էր նորմալ հուն մտնել: ԼՂԻՄ-ի սոցիալ-կուլտուրական զարգացմանն ուղղված կոնկրետ քայլերին ակտիվորեն մասնակցում է մեր հանրապետությունը: ՍՍՀՄ Գերագույն սովետի նախագահության ստեղծած հանձնաժողովը, ԼՂԻՄ-ում ՍՄԿԿ Կենտկոմի և ՍՍՀՄ Գերագույն սովետի նախագահության մշտական ներկայացուցիչ ընկ. Ա. Ի. Վոսկին հաստատականորեն ուղիներ են որոնում մարզում կուտակված պրոբլեմների լուծման համար:

Հայաստանի կոմկուսի Կենտկոմի օրերս տեղի ու-

նեցած պլանումը մշակեց հանրապետության էկոնոմիկայում, սոցիալական ոլորտում առաջացած լրճացման երևույթների հաղթահարման և գաղափարաբարոյական իրադրության առողջացման հստակ ծրագիր, որը ըմբռնումով ընդունեցին ու պաշտպանեցին աշխատավորները: Սակայն կուսակցական, սովետական, տնտեսական մարմինները տվյալ իրավիճակում հնարավորություն չունեն կազմակերպելու առաջադրված բարդ խնդիրների արդյունավետ կատարումը:

Հանրապետությունում ստեղծված իրադրությունը հղի է անկանխատեսելի հետևանքներով, որոնք կարող են մեզ ոչ միայն հետ շարտել վերջին ամիսներին մվածվածից, փակուղի մտցնել, այլև մեր ժողովրդին դնել անելանելի կացության մեջ: Այն, ինչ կատարվում է, խորապես անհանգստացնում է հանրապետության աշխատավորներին: Իրադարձությունները դուրս են գալիս դեմոկրատական պրոցեսների սահմաններից, ընդունում վտանգավոր բընույթ՝ հիվանդագին զգացմունքներ և տազնապ առաջացնելով մարդկանց հոգիներում:

Միտինգներում սկսել են հնչել հույժ վտանգավոր կոչեր, որոնք ոչ մի ընդհանուր բան չունեն ԼՂԻՄ-ի պրոբլեմների հետ: Քաղաքականապես ոչ հասուն մարդիկ, խաղալով ժողովրդի ազգային սրբազան զգացմունքների, Լեռնային Ղարաբաղի հայ բնակչության ապրումներին մասնակից լինելու բնական ձգտման վրա, ամեն կերպ սրում են իրադրությունը՝ դիմելով հակաիրավական գործողությունների: Նըրանք չեն ընկրկում անխոհեմ արարքների մեջ մույնիսկ դեռահասներին ու դպրոցականներին ներգրավելու առջև, շտախոգվելով, թե ինչ ավերիչ փորձության են ենթարկվում նրանց հոգիները: Այս ամենը արդարացի վրդովմունք է առաջացնում սթափ առողջ ուժերի, բոլոր ողջախոհ մարդկանց մեջ, ով-

քեր իսկապես մտահոգված են հայ ժողովրդի նախատազրով: Ծայրահեղ անհանգստություն է հարուցում նաև այն հանգամանքը, որ հաճախ փորձեր են արվում մարդկանց սոցիալական աճած ակտիվությունն ուղղել քաղաքականապես վնասակար հուն, շտախոգվելով՝ ու՛մ է դա ձեռնտու:

Հայաստանի կոմկուսի Կենտկոմը, հանրապետության Գերագույն սովետի նախագահությունը և Մինիստրների խորհուրդը խորապես մտահոգված են Լեռնային Ղարաբաղում ստեղծված իրադրությամբ և վճռականորեն դատապարտում են հրահրված անկարգությունները, որոնք ծանր հետևանքներ են ունեցել: Կիսելով մեր հայրենակիցների տազնապ ու անհանգստությունը և խորին կարեկցանք հայտնելով տուժածներին, մենք դիմում ենք մեր ժողովրդի բանակառությանը, անկեղծ հայրենասիրական զգացմունքներին:

Հանուն հայ ժողովրդի ապագայի մենք կոչ ենք անում ցուցաբերել զգոնություն, ինքնասիրապետում, զսպվածություն, գիտակցել այն վտանգը, որի առջև կարող է հայտնվել մեր ժողովուրդը, եթե կրքերը շարունակեն բորբոքվել, եթե գերիշխեն զգացմունքները: Ծիշտ է ասված, որ մարդիկ դաս են առնում սխալներից, իսկ ժողովուրդները՝ ողբերգություններից, որոնք, սակայն, շատ թանկ են արժենում:

Մեր հասարակության դեմոկրատացումը ստեղծում է ժողովրդի կամքի ազատ արտահայտման պայմաններ, սակայն դեմոկրատական պետությունը չի կարող թույլ տալ, որպեսզի առանձին անձինք, օգտագործելով իրենց տրված իրավունքները, ոտնահարեն օրենքները, արհամարհեն հասա-

րակության հանդեպ ունեցած իրենց պարտականությունները:

Այս ծանր, տազնապալի օրերին հանրապետության յուրաքանչյուր քաղաքացուց պահանջվում են զերագույն զսպվածություն և բարձր պատասխանատվություն ժողովրդի ճակատագրի և նրա ապագայի համար: Մենք չենք կարող թույլ տալ, որպեսզի կույր տարերքը մթազնի մարդկանց բանակառությունը:

Հայրենակիցներ: Հայ ժողովուրդը դարերով պայքարել է իր անկախության, իր պետականության վերականգնման, իր լեզվի, մշակույթի, ինքնատիպության պահպանման համար: Հայ ազգային ազատագրական շարժման ակամավոր գործիչները իրենց հույսերը միշտ կապում էին ուս ժողովրդի հետ: Իր ազգային վերածննդով, համախմբմամբ, պետականության վերականգնմամբ և այն ամենով, ինչին հայ ժողովուրդը հասել է վերջին 70 տարում, նա պարտական է մեծ Հոկտեմբերի հաղթանակին, Հայաստանում սովետական իշխանության հաստատմանը:

Մենք դիմում ենք մեր փառապանծ բանվոր դասակարգին, գյուղացիությանը, մտավորականությանը, երիտասարդությանը, մեր մայրերին ու երեխաներին, բոլոր նրանց, ում թանկ է Հայաստանի ճակատագիրը. արժանի եղեք հայ ժողովրդի հայրենասիրական և ինտերնացիոնալ ազնիվ ավանդույթներին, մեր ժողովրդի, մեր երկրի ազատության ու անկախության պայքարում ընկած հազարավոր զոհերի հիշատակին:

Մենք կոչ ենք անում ձեզ կանգ առնել ու խորհել, գործիք չդառնալ կույր ուժերի ձեռքին, հիշել որ մենք բոլորս միասին և յուրաքանչյուրս առանձին պատասխանատու ենք ոչ միայն մեր երեխաների ապագայի, մեր ժողովրդի ճակատագրի, այլև մեր ընդհանուր տան՝ ամբողջ երկրի համար, հեղափոխական վերակառուցման, դեմոկրատացման ու հրապարակայնության համար:

Եվ թող այս տազնապալի ժամին ձեզ չլքեն իմաստունությունն ու իրատեսության զգացումը:

ՀԱՅԱՍՏԱՆԻ ԿՈՄԿՈՒՍԻ ՀԱՅԿԱԿԱՆ ՍՍՀ ԳԵՐԱԳՈՒՅՆ ԿԵՆՏՐՈՆԱԿԱՆ ԿՈՄԻՏԵ ՍՈՎԵՏԻ ՆԱԽԱԳԱՀՈՒԹՅՈՒՆ ՄԻՆԻՍՏՐՆԵՐԻ ԽՈՐՀՈՒՐ